

工ノ十三

C40
4514
240



C40-45-41

大方廣佛華嚴經疏鈔卷五之一

于闐國三藏沙門實叉難陀

譯

清涼山大華嚴寺沙門澄觀撰述

世王妙嚴品第一之五

復次普賢菩薩摩訶薩入不思議解脫門方便海。
疏自下第二同生衆文分爲三初明普賢菩薩得
一切法門次十普菩薩各得一門後十異名菩薩
落一法門此三各有長行及頌

就初普賢長行中二初總標所入二別顯十門今初二句先指陳法體次辨法功能今初言不思議

撰述

卷之二

者謂數過圖度。理絕言思故。言方便海者。謂不動真而成就事者。巧以因門契果。故云方便。鈔謂不動真而成就事者。卽理事無礙爲方便。如涉有、迷於空。巧以因契果者。卽事事無礙之方便。因乘交徹故。

人如來功德海。

疏後入如來下。辨法功能。謂證入因圓。趣入果海。故然前後但明以別入總。故各得一解脫門。猶如百川一一入海。今明以總入總。如海入海。故得難思解脫門。復稱能入爲方便海。以普賢是同異二

衆之上首故。

所謂有解脫門名嚴淨一切佛國土。調伏衆生令究竟出離。

疏二。所謂下別顯十門。以彰無盡。一嚴土調生。謂隨所化衆生。取佛土故。一切佛土者。堅通四土。橫該法界。橫豎相融。故一塵一利。皆廣大嚴淨。故云一切演最妙法。故事所謂究竟出離。鈔堅通四土等者。並如世界成就品略言堅者。卽於一塵有四土故。以法性之土爲三王體。故本徧常。自受用土。量周法界。一如法性。他受用土。及變化土。不離

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

上二猶如物影不離空及日光而他受用及變化
土隨心異見亦如兩影互相涉入故一塵中則有
四土橫徧法界卽十方一切差別國土橫整相融
者以堅融橫則一塵之中有十方國以橫融堅則
一塵四土常徧十方結成可知。

有解脫門名普詣一切如來所修具足功德境界。

疏二佛徧塵道詣彼修德乃了彼境。

有解脫門名安立一切菩薩地諸大願海。

疏三通辨安立菩薩六種功德一位二願餘四在
偈

有解脫門名普現法界微塵數無量身。

疏四身普應機演所證法。

有解脫門名演說徧一切國土不可思議數差別名
疏五國土不同所敬各異故隨宜立稱成益不空
如名號品。

有解脫門名一切微塵中悉現無邊諸菩薩神通境
界。

疏六塵中現身說菩薩行境。

有解脫門名一念中現三世劫成壞事。

疏七以時隨法融令三世劫及劫中成壞一念中

現無所障礙。然事通能所能成壞事。謂火水及風所成壞事。天地萬像。

有解脫門。名示現一切菩薩諸根海各入自境界。
疏八。菩薩根海雖繁廣多類。但能入自所知境界。豈能測量佛無邊法。則顯前來衆海未測佛德。普賢能知此理。

有解脫門。名能以神通力化現種種身徧無邊法界。
疏九。明如來身體同虛空用周法界。

有解脫門。名顯示一切菩薩修行法次第門。入一切智廣大方便。

疏第十。攝因成果。故云一切菩薩行入一切智也。妙音宣此。故云顯示此亦別釋標中第二句。

爾時普賢菩薩摩訶薩以自功德復承如來威神之力。普觀一切衆會。海印說頌言。

疏頌中次第如前十門。

佛所莊嚴廣大利等於一切微塵數。清淨佛子悉滿中雨不思議最妙法。

疏第一偈前半嚴淨佛國後半調伏衆生兼顯人法爲嚴之義。佛子有三。二者外子。謂諸凡夫未能紹繼佛家事故。二者庶子。謂諸二乘。不從如來大

法生故三者真子。謂大菩薩從大法喜正所生故。此言清淨意顯第三最妙法者。據非權小。昔以妙法淨所化心故所感土亦有清淨佛子來生其國。還雨妙法。

如於此會見佛坐。一切塵中悉如是。佛身無去亦無來。所有國土皆明現。

疏二中前半明總徧別中後半明體用無礙亦是總徧總中。鈔前半明總徧別中者。然能徧所徧不離依正。依正各二。一總二別全佛身爲正之總一毛孔等爲正之別。一佛國土爲依之總。一微塵等爲依之別。

等爲依之別。今以前半佛徧塵中故云總徧別中。言體用無礙者。上半是體。無去來故。下半是用。況諸土故。亦是總徧總者。身徧國故。

顯示菩薩所修行無量趣地諸方便及說難思真實理。令諸佛子入法界。

疏三中四句卽前四義。修十勝行。一起十方便三所證十如四正證法界成薩婆若地位爲總餘五爲別。

出生化佛如塵數普應羣生心所欲入深法界方便門廣大無邊悉開演。

疏四中前半普現身。後半演所證。

如來名號等世間。十方國土悉充徧。一切方便無空過。調伏衆生皆離垢。

佛於一切微塵中。示現無邊大神力。悉坐道場能演說。如佛往昔菩提行。

三世所有廣大劫。佛念念中皆示現。彼諸成壞一切事。不思議智無不了。

佛子衆會廣無限。欲共測量諸佛地。諸佛法門無有邊。能悉了知甚爲難。

疏次四偈可知。

佛如虛空無分別。等真法界無所依化。現周行靡不至。悉坐道場成正覺。

疏九中初句智身。次句智身等法身。後二句化用等法身之周徧略舉正覺。實通一切。故上云種種。佛以妙音廣宣暢。一切諸地皆明了。普現一一衆生。前盡與如來平等法。

疏十中三句攝因。後句成果。

復次淨德妙光菩薩摩訶薩。得徧住十方菩薩衆會。莊嚴道場解脫門。

疏第二十普菩薩各得一門。第一菩薩前列名中

60

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

無以前與普賢共爲十普。今普賢別說故加爲十。
以表圓足。然偈文具十長行中第七菩薩及法門俱脫。又脫第八菩薩法門及第九菩薩名。至文當知。十中第一嚴處說法皆名爲嚴。今依北藏七八長行法門俱定增

普德最勝燈光照菩薩摩訶薩得一念中現無盡成正覺門。教化成熟不思議衆生界解脫門。

疏二。塵塵皆成正覺已爲無盡方是正覺一門。有如是等無量成正覺門。如出現品辨隨所成正覺門調生亦爾。故云成熟不思議衆生界。

普光師子幢菩薩摩訶薩得修習菩薩福德莊嚴出生一切佛國土解脫門。

疏三修行福海嚴出刹海。

普寶燄妙光菩薩摩訶薩得觀察佛神通境界無迷惑解脫門。

疏四以深妙智觀難思境故多處不迷多劫不厭。

普音功德海幢菩薩摩訶薩得於一衆會道場中示現一切佛土莊嚴解脫門。

疏五如一逝多林會頓現一切淨土會會皆爾。念

念現殊。

1 2 3 4 5 6 7 8 9 10 1 2 3 4 5 6 7 8 9 10

普智光煥如來境菩薩摩訶薩得隨逐如來觀察甚深廣大法界藏解脫門。

疏六法界含攝無盡故名爲歲觀佛法界之身。一毛卽無分限。

普覺悅意聲菩薩摩訶薩得親近承事一切佛供養藏解脫門。

疏七佛昔行因無佛不供今成佛果無衆不歸猶如百川馳流趣海。

普清淨無盡福威光菩薩摩訶薩得出生一切神變廣大加持解脫門。

疏八偏利充塵劫窮來際皆佛加持之力。

普寶髻華幢菩薩摩訶薩得普入一切世間行出生菩薩無邊行門解脫門。

疏九若無大悲不入生死則不能出菩薩行門。如不入海安能得寶此卽化他成已。鈔如不入海安能得寶卽淨名佛道品譬如不下巨海則不能得無價寶珠。如是不入生死大海則不能得一切智寶故。

普相最勝光菩薩摩訶薩得能於無相法界中出現一切諸佛境界解脫門。

123456789

123456789

疏十卽依體起用。

爾時淨德妙光菩薩摩訶薩承佛威力普觀一切菩薩解脫門海已卽說頌言。

十方所有諸國土一利那間悉嚴淨以妙音聲轉法輪普偏世間無與等如來境界無邊際一念法界悉充滿一一塵中建道場悉證菩提起神變。

世尊往昔修諸行經於百千無量劫一切佛刹皆莊嚴出現無礙如虛空。

佛神通力無限量充滿無邊一切劫假使經於無量

劫念念觀察無疲厭

汝應觀佛神通境十方國土皆嚴淨一切於此悉現前念念不同無量種

觀佛百千無量劫不得一毛之分限如來無礙方便門此光普照難思利

如來往劫在世間承事無邊諸佛海是故一切如川鴦咸來供養世所尊

如來出現徧十方一一塵中無量土其中境界皆無量悉住無邊無盡劫

佛於曩劫爲衆生修習無邊大悲海隨諸衆生入生

燒普化衆會令清淨。

佛住真如法界藏無相無形離諸垢衆生觀見種種身一切苦難皆消滅。

疏頌文前已配釋欲表菩薩法門互入故不結法屬人後段亦然。

復次海月光大明菩薩摩訶薩得出生菩薩諸地諸

波羅蜜教化衆生及嚴淨一切佛國土方便解脫門。

疏第三十異名菩薩亦各一法長行中一得成菩

薩四種方便一地位二度行三調生卽行位所作。

四嚴利通二利因果也或一地一度滿或地地諸

度滿此一爲總下九皆別然不出上四多顯調生

雲音海光離垢藏菩薩摩訶薩得念念中普入法界

種種差別處解脫門。

疏二謂偏轉法輪。

智生寶髻菩薩摩訶薩得不可思議劫於一切衆生前現清淨大功德解脫門。

疏三普示滅惑。

功德自在王淨光菩薩摩訶薩得普見十方一切菩薩初詣道場時種種莊嚴解脫門。

疏四普嚴場會。

60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 90

佛說

金剛經卷之二

七

善勇猛蓮華髻菩薩摩訶薩得隨諸衆生根解海普爲顯示一切佛法解脫門。

疏五以法隨機。

普智雲日幢菩薩摩訶薩得成就如來智永住無量劫解脫門。

疏六爲物永存。

大精進金剛齊菩薩摩訶薩得普入一切無邊法印力解脫門。

疏七法印悟物。

香燄光幢菩薩摩訶薩得顯示現在一切佛始修菩

薩行乃至成就智慧聚解脫門

疏八頓顯始終

大明德深美音菩薩摩訶薩得安住毘盧遮那一切大願海解脫門

疏九同佛往修。

大福光智生菩薩摩訶薩得顯示如來徧法界甚深

境界解脫門。

疏十光顯如來難思之境以偈對釋文並可知爾時海月光大明菩薩摩訶薩承佛威力普觀一切菩薩衆莊嚴海已卽說頌言。

10

1 2 3 4 5 6 7 8 9 10 1 2 3 4 5 6 7 8 9 10

諸波羅蜜及諸地廣大難思悉圓滿無量衆生盡調伏一切佛土皆嚴淨。

如佛教化衆生界。十方國土皆充滿。一念心中轉法輪普應羣情無不徧。

佛於無量廣大劫。普現一切衆生前。如其往昔廣修治。示彼所行清淨處。

我覩十方無有餘。亦見諸佛現神通。悉坐道場成正覺。衆會聞法共圍遶。

廣大光明佛法身。能以方便現世間。普隨衆生心所樂。悉稱其根而雨法。

真如平等無相身。離垢光明淨法身。智慧寂靜身無量。普應十方而演法。

疏唯第六偈略湏開示。初句所證性淨法身。言無相者。示真如相。身卽體義。在纏不染。出障非淨。凡聖必同。故云平等。次句出纏法身也。真如出煩惱障。故云離垢。出所知障。故云光明。又塵習雙亡。故云離垢。真智圓滿。故曰光明。淨法身者。揀於在纏後半體用無礙身。由出纏故。應用無方。約理卽是體用無礙。約用則止觀雙運。故得果則寂照爲身。卽用之體故寂。卽體之用故智。體用旣無不在。佛

身何有量耶。故能普應十方。此句正顯化用。故經云水銀和真金。能塗諸色像。智慧與法身。處處應現往卽斯義也。鈔經云水銀和真金。能塗諸色像者。金如法身。水銀如般若。以般若照機。真身隨感。故天台智者亦用此義以釋法華壽量應用。法王諸力皆清淨。智慧如空無有邊。悉爲開示無遺隱。普使衆生同悟入。

如佛往昔所修治。乃至成於一切智。今放光明徧法界。於中顯現悉明了。

佛以本願現神通。一切十方無不照。如佛往昔修治

行。光明網中皆演說。

十方境界無有盡無等無邊各差別。佛無礙力發大光。一切國土光明顯。

爾時如來師子之座。衆寶妙華。輸臺基陛。及諸石牖。如是一切莊嚴具中。

疏自下第八明座內衆流分。於中長分十段。一明出處。二顯衆類。三列衆名。四結衆數。五興雲供。六供衆海。七敬遶佛。八坐本方。九歎德能。十申偈讚。今初座卽是總寶等爲別。如是已下。結廣從略。非獨輪等。故云一切。所以此能出者。良以座該法界。

依正混融。一一纖塵無不廣容普偏。座所偏利恒在座中。故從中出。非是化也。若約法空之因。及法空之座。則萬行爲嚴。能生菩薩。

一一各出佛利微塵數菩薩摩訶薩。

疏二十一下顯衆類皆菩薩故。

其名曰海慧自在神通王菩薩摩訶薩。雷音普震菩薩摩訶薩。衆寶光明髻菩薩摩訶薩。大智日勇猛慧菩薩摩訶薩。不思議功德寶智印菩薩摩訶薩。百目蓮華髻菩薩摩訶薩。金燄圓滿光菩薩摩訶薩。法界普音菩薩摩訶薩。雲音淨月菩薩摩訶薩。善勇猛光

明幢菩薩摩訶薩。

疏二其名下列衆名出處既多。名亦多種略舉上首十名耳。卽如次十方。

如是等而爲上首。有衆多佛利微塵數同時出現。

疏四如是等下結衆數嚴具非一。故有衆多利塵此諸菩薩各興種種供養雲。所謂一切摩尼寶華雲。一切蓮華妙香雲。一切寶圓滿光雲。無邊境界香燄雲。日藏摩尼輪光明雲。一切悅意樂音雲。無邊色相一切寶燈光燄雲。衆寶樹枝華果雲。無盡寶清淨光明摩尼王雲。一切莊嚴具摩尼王雲。如是等諸供養

雲有佛世界微塵數。

疏五此諸菩薩下。興供雲。

彼諸菩薩一一皆興如是供養雲雨於一切道場衆海相續不絕。

疏六彼諸下。供衆海衆多菩薩各興利塵供雲已重疊難思。况相續不絕而諸供具皆稱雲者乃有多義。謂色相顯然智攬無性從法性空無生法起能現所現迥無所依應用而來故來無所從用謝而去故去無所至而能含慈潤霑法雨益萬物重重無礙有雲像焉上下諸文雲義皆爾。

現是雲已右繞世尊經無量百千匝。

疏七現是雲已下明敬繞佛順向殷重瞻望不足乃至百千。

隨其方面去佛不遠化作無量種寶蓮華師子之座各於其上結跏趺坐。

疏八隨其下坐本方參而不雜也。如師子子亦師子故菩薩座亦名師子自化自坐者自心智現還自安處故諸佛菩薩坐多跏趺者爲物軌故智論引偈云若結跏趺坐身安入三昧等。鈔若結跏趺坐等者等取餘偈云威德人敬仰如日照天下。

除睡懶覆心。身輕不疲倚。覺悟亦輕便安坐如龍蟠。見畫跏趺坐魔王亦驚怖。何況入道人。安坐不傾動。卽第八論。

是諸菩薩所行清淨廣大如海。

疏九是諸菩薩下歎其德能者有十二句。初總餘別。

得智慧光照普門法。句隨順諸佛所行無礙。句能入一切辨才法海。句

疏別顯一一各是一種清淨廣大略束爲三。初三明三業清淨廣大。一智證普法。二身隨佛行。三語

入辨海中一義求亦通三業。

得不思議解脫法門。句住於如來普門之地。句已得一切陀羅尼門。悉能容受一切法海。句

疏次三明得法清淨廣大。一獲自分解脫。二住勝進果位三徧具諸持普門地言。卽同經初已踐如來普光明地。

善住三世平等智地。句已得深信廣大喜樂。句

疏後五福智清淨廣大。初二正明。後三重顯。今初中一。智安理事。故云善住。二福無不修。故生信喜。然三世平等。經初已明。今更略示。謂依生及佛。善

0 1 2 3 4 5 6 7 8 9 10 1 2 3 4 5 6 7 8 9 10

住平等且依佛說。佛佛平等。法身智身無增減故。
若依衆生。生生平等。煩惱業苦。有支皆等。若生佛
相望者。凡夫現在。等佛過去。進修得果。等佛現在
成佛究竟。等佛常住。鈔然三世平等下。重釋善
住三世平等智地。文三。初指前標舉。二別明義相
三結釋善住智地之言。初唯約佛。如問明品。十方
諸如來。同一法身等。二唯約生六道雖差。皆三雜
染。

疏此約三世互望。煩惱佛則本有今無。衆生則本
無今有。菩提則衆生本有今無。諸佛則本無今有。

約迷悟異。則說本今。涅槃之性。非三世攝。故知三
世有法。無有是處。鈔此約三世下。別示義相。便
引涅槃四出偈釋。今先敍彼經。後方釋疏言。四出
偈者四處出故。亦名四住。一卽第十經中出。二卽
十七經。三卽二十七經。四卽二十八經。初段卽如
來性品。南經第九菩薩品。文殊師利白佛言。世尊。
純陀今者。由有疑心。佛徵文殊。文殊師利言。純陀
心疑如來常住。以得知見佛性力故。若見佛性。而
爲常者。本未見時。應是無常。若本無常。後亦應爾。
何以故。如世間物。本無今有。已有還無。如是等物。

10

1 2 3 4 5 6 7 8 9 10 1 2 3 4 5 6 7 8 9 10

悉是無常。以是義故。諸佛菩薩聲聞緣覺。無有差別。爾時世尊。卽說偈言。本有今無。本無今有。三世有法。無有是處。善男子。以是義故。諸佛菩薩聲聞緣覺。亦有差別。亦無差別。文殊師利讚言。善哉誠如聖教。今我始解諸佛菩薩聲聞緣覺。亦有差別。亦無差別。佛更不說。迦葉便請佛說。如來便爲引長者掣牛之喻。以況佛性。乳色皆一。如性無異。上第一出竟。第二出。卽第十七經。南經十五。皆梵行品。因爲迦葉說無所得竟。迦葉領解。更欲請問無所得義。舉佛先說本有今無偈。問如來爲答云。本

有者。我昔本有無量煩惱。以煩惱故。現在無有大般涅槃。言本無者。本無般若波羅密。以無般若波羅蜜故。現在具有諸煩惱結。此釋上半若有沙門。若婆羅門。若天。若魔。若梵。若人。說言。如來去來。現在有煩惱者。無有是處。此釋下半下略。經意有二。

一明本有父母之身。無金剛身。本無三十二相。其有四百四病。二云。本有無常。無我等。今無無上菩提。本無見佛性。今有無常等。總有八段。大意多同。皆明本有。有世間妄因。今無無出世真德。本無無出世因。今有。有世間妄法。結云。我或知言不知。有

相言無相。隨宜化物耳。上卽第二出竟。第三出卽二十七經。南經二十五師子吼品。因說一切衆生定得菩提。是故我說一切衆生定有佛性。一切衆生真實未有三十二相。八十種好。以是義故。我說偈云。本有今無等。善男子。有者凡有三種。一未來。有。二現在有。三過去有。一切衆生未來當有無上菩提。是名佛性。一切衆生現在悉有煩惱。是故現在無有三十二相。八十種好。一切衆生過去之世。有斷煩惱。是故現在得見佛性。以是義故。我常宣說一切衆生悉有佛性。乃至一闡提亦有佛性。未

來有故。如有乳者。問言有酥。上卽第三出竟。第四出卽二十八經。南經二十六因明食爲命因。非食卽命。故說此偈。本有今無等。釋曰。上四處經偈意大同而用小異。諸公多於第十經中廣釋其相遠。公引十七經意。釋云。上二句自立道理。下二句破他定義。釋上二句。一同第十七經。釋下二句云。此文語略亦合云。三世無法。亦無是處。意云。於佛煩惱。昔有今已斷竟。故三世有法。無有是處。涅槃昔無今已證竟。言二世無法。亦無是處。意云。於佛煩惱。昔有今已斷竟。故三世定有。三世定無。此意明必互可知。故無一法三世定有。三世定無。此意明必互

1 2 3 4 5 6 7 8 9 10 1 2 3 4 5 6 7 8 9 10

有互無次通難意云佛今現證有異二乘故非無差彼亦當得則亦無差別此答文殊疑又云佛今已證何得難言後亦無常此通純陀疑諸公大同此意乃成此偈但是三世有無之法如何能通純陀之難難意正云由見佛性而爲常者見旣有始後必當終如世間物有已還無今明證見何能通此若超悟法師說答疑意意則善成是生公意但是我始會之非照今有而其釋偈亦多同遠公將偈答難亦不順理薦福卽用本有今無論意出二種疑釋偈下半亦同遠公不得論意故非盡理今

先出論意後出經中四出別意今初先定本有今無之法謂煩惱業苦是生得名本有解脫聖性是修得是今無釋曰今此正順十七經本有煩惱今無涅槃等故論云爲二乘說不謗大乘若爲大乘說是謗大乘意云此是隨相之法是三世有法迷惑之殊是無常法可化二乘非是大乘涅槃真性上定本今之法次正說偈意論云此偈有二意一破邪義二立正義破邪義者依語言說立正義者依於義說不依語言然邪復有二一者外道二者小乘上三句是邪小所立之法第四句總非之云

123456789

123456789

123456789

無有是處初外道者。謂本有同僧住因中有果。本無同衛世因中無果。三世有同勒沙婆因中亦有果亦無果。皆有多過故云無有是處。二破小乘者如向所說爲小乘說煩惱本有爲大乘說過三種義。謂若煩惱本有爲真諦有爲俗諦有。若真諦有前後無異。煩惱不可斷。若俗諦有俗諦無本。何名本有。言本無今有者。若本無者後不應有。若本無法而得有者。空應生華。諸本無法皆應當生。若三世共有。居然不成三世相違故下結云無有是處。則破小乘說三世有法無有是處也。已破邪義。

所言立正義者。本有今有。過於三世。是名正義。本有今有者。從初發心。至得涅槃。一味無異。不依生因。不依滅因。有則清淨。凡夫法不能染汙。聖人法不能清淨。乃至過一切語言道。及一切思惟。不可思說。不可思惟。攝受因果。非因非果。如來一體最極攝受。一切妙寶。是大涅槃。超過三世爲用。說涅槃功德。乃至常樂我淨。復次有二種義。若本有今有。則是常見。若過三世。則是斷見。若二義相待。成離斷常。是中道義。如是俗諦真諦相待。故有十二因緣。眞實。何以故。離二邊是眞。十二因緣。若能善解。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

則見如來現在於世。釋曰。此後一段復融性相。令其無礙餘廣如論已知論意。今將論釋經之疑。論云。純陀有二因緣故疑。一見同相。不見別相。故生疑。二見別相。不見同相。故生疑。皆是權爲物疑。然若別配初疑卽經中純陀疑。後疑卽文殊疑。然此二疑文則影略。實則二人俱有此疑。故論云。純陀有二種疑。今初云何見同。謂純陀將本無今有。疑同本有今無。疑云佛本不見佛性。後見佛性。而得常住。豈非本無今有。卽是生法。生法必滅。故是無常。卽與世同。故云見同。云何不見異。不

見如來契無三世。異於凡小。故今舉異。答云。約緣始會似本無今有。涅槃之性。不屬三世。智契此性同性是常。何得難言有始必終。是無常耶。純陀疑遣矣。若通文殊疑者。文殊見異不同故疑。謂凡三乘迷悟差別。今同二乘無常盡滅。卽無差別。此名見異生疑。云何不見同。不見同無三世。故今答云。契無三世。一得永常。何得同於二乘無常。無三世性。則無差別。會與不會。則有差別。上根一聞。二疑頓遣。中下未悟。迦葉起悲。梵行品中。因無得問。佛舉八段。八段之中。皆悉結云。三世有者。無有是處。

10

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷五之一

三

五

斯世得矣。二十七經因說一切衆生定得菩提。是當有義。是故說言有三種。有一未來有。二過去有。三現在有。明此三有亦約迷悟。佛性菩提。豈屬三世。二十八經食爲命。因非卽是命。如佛性爲因。非卽是佛。亦是三世因緣之法。隨相而說。若隨相取亦無是處。釋曰。上來判釋四出之偈。理無不盡。次當解釋今疏用意。按十七經本有今有。皆約於妄。本無今無。並約於真。故云我本有煩惱。今無涅槃。本無般若。今有煩惱。所以爾者。約佛昔因故。二十七經則云。衆生過去有斷煩惱因緣。今見佛性。則

是真法。本無今有。故純陀生疑。正約世尊因見佛性。本無今有爲難。是知若真若妄。皆通本有今無。本無今有。故疏取經意。及彼論意。故約生佛相望。真妄並說。又十七經約佛昔說故。卽以佛昔時爲本。亦以昔時爲今。例於衆生。則以今時爲本。亦以今時爲今。如佛昔有煩惱。無異。又十七經後之二段。約佛身上亦說本今。皆是影略。今疏取意。則以昔爲本。現在爲今。煩惱佛則本有今無者。以佛昔爲凡夫。則有煩惱。今成正覺。故無煩惱。衆生則本無今有者。約性淨故。本無煩惱。約客塵故。今有煩

惱。菩提則衆生本有今無者。亦約性淨。菩提本有今爲客塵之所覆故。迷真起妄。無有證得圓淨菩提。故云今無耳。諸佛則本無今有者。約圓淨菩提。昔未修成。故云本無。今已修得。故云今有。上來已顯。彼偈上半。約迷悟異。下釋偈下半。然準論意。三句皆相第四一句。拂去上三。方爲真性。今疏以第三句總牒三世。以第四句遣之。故云下半顯性。取文小異。全是論意。云何約迷悟異等。謂迷時有妄。非是無真。悟時見性。性非今有。故生公云。但是我始會之。非照今有。照不在今。卽是莫先爲大。旣云大矣。所以稱常。是知迷悟雖異。涅槃之性。三世不遷。湛然常住。會卽符契。同彼性常。如始覺同本。無復始本之異。何得難言有始必終。則純陀之難遣矣。

疏若以性淨而說。則佛與衆生現今平等。而不妨迷悟之殊。是故三乘亦有差別。亦無差別。衆生寂滅。卽是法身。法身隨緣。卽是衆生。故寂滅非無之衆生。恒不異真。而成立隨緣。非有之法身。恒不異事。而顯現。是故染淨三世。一切諸法。無不平等。况稱性互收。鈔若以性淨下。第二約同時平等。正

0 1 2 3 4 5 6 7 8 9

70 1 2 3 4 5 6 7 8 9

80 1 2 3 4 5 6 7 8 9

90 1 2 3 4 5 6 7 8 9

是前偈下半之意。以離世世性故。現今平等而不妨迷悟之殊者。卽是論主後融其性相。令離斷常。若相外有性。性爲斷滅。相是定常。故離迷悟無別真性。因乖常故。有三界無常。因解無常之實性。故成常智。二理不偏照與之符。猶懸鏡高堂。萬像斯鑒。經引二鳥意在此也。是故三乘亦有差別。亦無差別。卽是涅槃文殊領解。性無二故。故無差別。迷悟淺深。故有差別。則文殊之疑遣矣。二疑旣遣。迦葉之疑亦亡。餘如上論衆生寂滅。卽是法身下示。於亦有差別。亦無差別之相。言衆生寂滅。卽是

法身者。生不異佛法身。隨緣名曰衆生者。佛不異生。則無差別矣。寂滅非無之衆生。恒不異真而成立。下一對。明無差不礙差。寂滅故無差。非無衆生。故不礙差。恒不異真成上寂滅。而成立言。成上非無之衆生。隨緣非有之法身。恒不異事而顯現者。隨緣故佛不異生。非有之法身。則不礙異生。恒不異事。成上隨緣而顯現。成上非有之法身。是故染淨下。總以融結。况稱性互收者。上但事理無礙已。是難思。餘經容有此則。事事無礙。唯華嚴意。疏如是解者。名爲善住。一切智地。如地能生。終歸

於地萬法依於佛智。究竟還至一切智也。鈔如是下結釋可知。此上一義乃是旁來湧槃玄旨。於是乎見也。

無邊福聚極善清淨。句虛空法界靡不觀察。句十方

世界一切國土所有佛典咸勤供養。句

疏後三重顯中一淨前福障故令諸福無邊清淨二成上智慧由觀法界虛空三近勝緣故成前二爾時海慧自在神通王菩薩摩訶薩承佛威力普觀一切道場衆海卽說頌言。

疏十爾時下說偈讚佛中十菩薩各別說偈卽爲

十段就初海慧頌中歎佛身座。

諸佛所悟悉已知如空無礙皆明照光徧十方無量土處於衆會普嚴潔

疏初五歎佛身具德一讚智慧

如來功德不可量十方法界悉充滿普坐一切樹王下諸大自在共雲集

疏二讚功德

佛有如是神通力一念現於無盡相如來境界無有邊各隨解脫能觀見

疏三讚神通

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

如來往昔經劫海。在於諸有勤修行種種方便化衆生。令彼受行諸佛法。

疏四讚因深。

毘盧遮那具嚴好。坐蓮華藏師子座。一切衆會皆清淨。寂然而住同瞻仰。

疏五讚果勝。

摩尼寶藏放光明。普發無邊香燄雲。無量華纓共垂布。如是座上如來坐。

種種嚴飾吉祥門。恒放燈光寶燄雲。廣大熾然無不照。牟尼處上增嚴好。

種種摩尼綺麗。膾妙寶蓮華所垂飾。恒出妙音聞者悅。佛坐其上特明顯。

寶輪承座半月形。金剛爲臺色。燄明持髻。菩薩常圍遶。佛在其中最光耀。

種種變化滿十方。演說如來廣大願。一切影像於中現。如是座上佛安坐。

疏後五歎所坐嚴麗。此衆旣從座現。故多歎座。文並可知。

爾時雷音普震菩薩。摩訶薩。承佛威力。普觀一切道場。衆海卽說頌言。

世尊往集菩提行。供養十方無量佛。善逝威力所加持。如來座中無不覩。

香燄摩尼如意王。填飾妙華師子座。種種莊嚴皆影現。一切衆會悉明矚。

佛座普現莊嚴相。念念色類各差別。隨諸衆生解不同。各見佛坐於其上。

寶枝垂布蓮華網。華開踊現諸菩薩。各出微妙悅意聲。稱讚如來坐於座。

疏第二雷音菩薩十頌歎座及地文分三別。初四直歎座可知。

佛功德量如虛空。一切莊嚴從此生。一一地中嚴飾事。一切衆生不能了。

金剛爲地無能壞。廣博清淨極夷坦。摩尼爲網垂布空菩提樹下。皆周徧。

其地無邊色相殊。真金爲末布其中。普散名華及衆寶。悉以光瑩如來座。

疏次三歎於場地。卽轉顯座嚴於中初一。總顯因深德廣。故嚴事難思。金剛下別顯。末後一句結瑩寶座。

地神歡喜而踊躍。刹那示現無有盡。普興一切莊嚴。

0 1 2 3 4 5 6 7 8 9 80 1 2 3 4 5 6 7 8 9 80 1 2 3 4 5 6 7 8 9

雲恒在佛前瞻仰住。

寶燈廣大極熾然。香燄流光無斷絕。隨時示現各差別。地神以此爲供養。

十方一切刹土中。彼地所有諸莊嚴。今此道場無不現。以佛威神故能爾。

疏後三偈歎地上之嚴於中前二地神興供嚴。後一佛力展轉嚴。

爾時衆寶光明髻菩薩摩訶薩。承佛威力。普觀一切道場衆海。卽說頌言。

世尊往昔修行時。見諸佛土皆圓滿。如是所見地無盡此道場中皆顯現。

世尊廣大神通力。舒光普雨摩尼寶。如是寶藏散道場。其地周迴悉嚴麗。

如來福德神通力。摩尼妙寶普莊嚴。其地及以菩提樹。遞發光音而演說。

寶燈無量從空雨。寶王間錯爲嚴飾。悉吐微妙演法音。如是地神之所現。

寶地普現妙光雲。寶炬燄明如電發。寶網遐張覆其上。寶枝雜布爲嚴好。

疏第三衆寶光髻菩薩讚中。獨讚場地殊異德。十

1 2 3 4 5 6 7 8 9

70

1 2 3 4 5 6 7 8 9

80

1 2 3 4 5 6 7 8 9

頌分二前五德用圓備。

汝等普觀於此地。種種妙寶所莊嚴顯示衆生諸業海。令彼了知真法性。

普偏十方一切佛所有圓滿菩提樹。莫不皆現道場中。演說如來清淨法。

隨諸衆生心所樂。其地普出妙音聲。如佛座上所應演。一一法門咸具說。

其地恒出妙香光。光中普演清淨音。若有衆生堪受法。悉使得聞煩惱滅。

一一莊嚴悉圓滿。假使億劫無能說。如來神力靡不之言說耶。

周是故其地皆嚴淨。疏後五法化流通。言如佛座上所應演者。九會五周之文。一化隨宜之說。已具演於場地之中。鈔九會五周之文等者。指此上一經。一化隨宜。即始從鹿苑終至雙林。一乘三乘場地頓演。何況如來之言說耶。

爾時大智日勇猛慧菩薩摩訶薩。承佛威力。普觀一切道場衆海。卽說頌言。

世尊凝眸處法堂。炳然照耀宮殿中。隨諸衆生心所樂。其身普現十方土。辟南藏辟

疏第四大智日頌歎佛所處宮殿。十頌分二。初一
總明次段讚處彰人。故此偈標人顯處。凝者嚴整
之貌。眸者視也。謂肅然而視。

如來宮殿不思議。摩尼寶藏爲嚴飾。諸莊嚴具咸光
耀。佛坐其中特明顯。

摩尼爲柱種種色。真金鈴鐸如雲布。寶階四面列成
行。門闈隨方咸洞啟。

妙華繒綺莊嚴帳。寶樹枝條共嚴飾。摩尼瓔珞四面
垂。智海於中湛然坐。

摩尼爲網妙香幢。光燄燈明若雲布。覆以種種莊嚴
具。超世正知於此坐。

疏後九別明於中二。前四明宮殿體攝衆德。卽廣
其前半。後五明妙用自在。卽廣其後半。今初初一
宮殿雖耀佛坐增明。卽廣前炳然照耀宮殿中也。
次二頌略辨七嚴結以智海。廣上凝眸處法堂也。
謂內持寶柱簷垂金鈴。外列門階。上羅華帳寶樹
交映寶瓔周垂。爲七嚴也。闡小門也。洞達也。如雲
布者重重無量。次次相承也。上云凝眸。則目視不
瞬。特由內無識浪。故云智海湛然。次一頌羅以寶
網。列以香幢。布以燄明。覆以嚴具。結云超世。卽廣

上世尊處法堂也。光如雲布者。若彩雲向日。上下齊明也。

十方普現變化雲。其雲演說徧世間。一切衆生悉調伏。如是皆從佛宮現。

疏後五中。一。羅身雲以調生。正顯前文現十方土。摩尼爲樹發妙華。十方所有無能匹。三世國土莊嚴事。莫不於中現其影。

疏二。寶樹現三世之嚴。處處皆有摩尼聚。光燄熾然無量種。門牖隨方相開。棟宇莊嚴極殊麗。

疏三略舉多嚴。

如來宮殿不思議。清淨光明具衆相。一切宮殿於中現。一一皆有如來座。

疏四。卽上諸嚴卷攝多嚴重重佛坐。

如來宮殿無有邊。自然覺者處其中。十方一切諸衆會。莫不向佛而來集。

疏五。結歎無盡。主伴雲會。

爾時不思議功德寶智印菩薩摩訶薩。承佛威力。普觀一切道場衆海。卽說頌言。佛昔修治衆福海。一切利土微塵數。神通願力所出。

生道場嚴淨無諸垢。

疏第五不思議菩薩通讚場樹自在德十頌分一
初一總顯謂宿因願力深廣難思神通現緣生果
嚴淨。

如意珠王作樹根金剛摩尼以爲身寶網遐施覆其
上妙香氣氤共旋繞。

樹枝嚴飾備衆寶摩尼爲榦爭聳擢枝條密布如重
雲佛於其下坐道場。

道場廣大不思議其樹周迴盡彌覆密葉繁華相庇
映華中悉結摩尼果。

一切枝間發妙光其光徧照道場中清淨熾然無有
盡以佛願力如斯現。

摩尼寶咸以爲華布影騰曄若綺雲而樹垂芳無不
徧於道場中普嚴飾。

疏後九別顯分三初五歎樹具德嚴坊於中初二
身榦森聳次二枝葉蔭映後一華界芬輝。

汝觀善逝道場中蓮華寶網俱清淨光燄成輪從此
現鈴音鐸響雲間發。

疏二有一偈歎場地蓮網謂蓮華布地則下轉光
輪寶網羅空則雲間響發。

1 2 3 4 5 6 7 8 9 10 1 2 3 4 5 6 7 8 9 10

十方一切國土中。所有妙色莊嚴樹。菩提樹中無不現。佛於其下離衆垢。

道場廣大福所成樹枝雨寶恒無盡寶中出現諸菩薩。悉往十方供事佛。

諸佛境界不思議普令其樹出樂音。如昔所集菩提道。衆會聞音咸得見。

疏三有三偈歎樹自在。初一收入後二出生。爾時百目蓮華髻菩薩摩訶薩承佛威力普觀一切道場衆海卽說頌言。

一切摩尼出妙音稱揚二世諸佛名。彼佛無量神通。

事此道場中皆現覩。

衆華競發如纓布光雲流演徧十方菩提樹神持同佛一心瞻仰爲供養。

摩尼光燄悉成幢幢中熾然發妙香。其香普熏一切衆。是故其處皆嚴潔。

蓮華垂布金色光。其光演佛妙聲雲。普蔭十方諸刹上。永息衆生煩惱熱。

菩提樹王自在力常放光明極清淨。十方衆會無有邊莫不影現道場中。

寶枝光燄若明燈。其光演音宣大願。如佛往昔於諸

0 1 2 3 4 5 6 7 8 9 10 1 2 3 4 5 6 7 8 9 10

有本所修行皆具說。

樹下諸神利塵數悉共依於此道場。各各如來道樹前念念宣揚解脫門。

世尊往昔修諸行供養一切諸如來。本所修行及名聞。摩尼寶中皆悉現。

道場一切出妙音。其音廣大徧十方。若有衆生堪受法。莫不調伏令清淨。

疏第六百目菩薩頌中。雙歎場樹徧德自在。法化宣流。前九偈各一門。

如來往昔普修治。一切無量莊嚴事。十方一切菩提

樹一一莊嚴無量種。

疏後一結嚴周徧並顯可知。

十普菩薩第七今依北藏并疏訂定舊方冊作普
清淨無盡福威光菩薩摩訥阿薩得普入一切世間
行出生菩薩無邊行門解脫門并八九疏皆云譯
者之訛

信士劉志義自捨并領袖銀五兩一錢八分四

厘刻此一卷伏願宿因逆現。厚障盡捐慈智與
日俱增。福德以時而益。凡在同施利樂均滋

周之樂。

一兩一錢 呂原誠

三 顏師舜

張斗南

陸律

一兩一錢 劉志義

二兩一錢 四分母施氏

一錢 室徐氏

五分

大方廣佛華嚴經疏鈔卷五之一 総



大方廣佛華嚴經疏鈔卷五之一

一華嚴無量體力無量莊嚴事十方一切皆

大方廣佛華嚴經疏鈔卷五之二

于闐國三藏沙門實叉難陀譯

清涼山大華嚴寺沙門澄觀撰述

世王妙嚴品第一之五

疏第七金燄頌歎佛十力功德一頌一力下諸經文屢明十力是佛不共之德佛佛等有菩薩緣此發心梵行品云復應修習一一力中有無量義悉應詰問故不可不知鈔下諸經文屢明十力下疏文分三初立章所由卽七門中初門也恐當宗責其名相故總出斯意文有五意一經文多故解

斯一節餘處例然。二是不共德。三佛佛等有。此二是瑜伽二門。四菩薩緣此發心。卽十住品。不識十力。如何發心。五發行令觀。不了十力。非真梵行。疏然大般若五十三顯揚第四。對法第十四廣辯。今略以七門分別。一立意。二釋名。三自性。四作業。五次第六差別。七釋文。然了其名。則知作業。對文料揀。差別易見。故將作業差別并釋別名。並於釋文中顯。今初立意者。智論意云。顯佛大人有真實力。令外道心伏。二乘希向菩薩倣之能成辦大事。終獲其果。故湏辯之如來唯一諸法實相智力。此

力有十種用。故說爲十。謂於十境。皆委悉正知。故由時品類相續分別。有無量力度人因緣。故但說十足。辯其事。謂以初力。知可度不可度。次業力。知有障無障。以定力。知味著不味著。以根力。知智多少。以欲力。知所樂以性力。知深心所趣。以至處力。籌量衆生解脫門。以宿命力分別。先所從來。以生死力。分別生處好醜。以漏盡力。知衆生得涅槃佛以此十度生審諦。故但說十。鈔由時下。三成多所以。卽瑜伽中分別門。然瑜伽亦說七門。與此小異。一自性。二分別。三不共。四平等。五作業。六次第。

七差別。前有二門。今有分別。云何分別。瑜伽云。由三分別。當知無量。一由時分分別。謂墮三世。一切所知隨悟入故。二由品類分別。一切有爲自相共相。一切行相隨悟入故。三由相續分別。謂諸有情各各差別。一切相續。一切事義隨悟入故。

疏第二釋名。初總後別。今初總名力者。能摧冤敵義。不可屈伏義。故說名力。瑜伽云。與一切種饒益。一切有情功能具相應故。畢竟勝伏一切魔冤大威力。故說名爲力。對法云。善除衆魔。善記問論。故十名力十者是數帶數釋也。別名至文當釋。

疏三自性者。瑜伽五十七云。佛具知根。慧根爲體。對法論云。若定若慧。及彼相應諸心。心所爲性。菩薩地總以五根爲性。統其文義。應具六種。一最勝體故。決擇分中慧根爲性。二引生體。對法兼定。三赴實體。菩薩地云。五根爲性。由慧勝故。且說十力。慧爲自性。所以但言處非處等智力。不言信進等力。四相應體。對法兼取相應心法。四蘊爲性。五眷屬體。五蘊爲體。定共道共無漏色等助爲體故。此雖無文理。必應是遮犯戒垢。助摧冤故。六依此經融一切法。以爲其性。無礙法界。理應爾故。

疏四作業者。卽是辯相。至文當顯。

疏五次第者。諸文或有前却。各有所由。此文所列次第。與十住全同。淨行品則界在解前。梵行品。禪定解脫當其第三宿命居天眼之後。餘同此次。瑜伽四十九。及智論二十七。亦禪居第三。餘同此次。且依論明次第者。智論云。初力爲總。餘九爲別。於初力中。分別有九故。初一力通知萬法。下九展轉開之。謂初令知因緣果報。故起業力。次業煩惱。故縛。淨禪定解脫。故解。令去縛就解。次根有利鈍。鈍者爲有造業。利者爲不生故集業。由善惡二欲成。

上下根。此二種欲。由二種性。以有種種性因緣。故行二種道。謂善道惡道。次知其過去。審彼未來。次以方便壞其因緣果報。相續故說漏盡。瑜伽有多門次第。廣如第五十說。上來依論次第。而今禪居第七者。二論梵行爲對自業。有離欲不離欲。故禪居第三。此經十住爲對偏趣。行有清淨不清淨。故居第七。若習欲成性。卽界居欲後。若由性起欲。則界居欲前。若執常者。先說宿住。若爲執斷。先辨其天眼。餘無別理。故經論皆定。鈔瑜伽有下。指廣在餘。言多門者。論云。如來初成正覺。卽頓證得十

力後方次第現前。謂初起處非處力。觀察諸法。建立一切無倒因果。既觀察已。次起自業智力。謂有希求欲界勝果。方便爲說。令離不善故。若有希求世間離欲之道。教授令趣禪定功德。故起定力。若諸有情希求出世離欲法者。爲說出世之道。謂於此中先起根力。觀根勝劣。次觀彼根。爲先所有意樂。次觀意樂。爲先所有隨眠。既知根欲及隨眠已。次令於所緣中而得趣入。次由於所緣趣入門。加行攝住心已。淨修行已。爲說中道令離斷常。謂宿命除常。天眼除斷。次令永斷一切煩惱。及諸習氣。

起漏盡力。更有異門。次第恐繁不引。

疏六差別者。爲此十力。展轉相望。亦有差別。亦無差別。至文當明。

疏七釋文。然此經宗異義皆融攝故。一一力中。具攝十力。乃至包盡法界。是以宿命乃云智包三世。天眼則見盡法界。非唯見盡佛眼如空。卽是法界。非唯智包。亦能毛孔頓現。業力卽觀法性。豈惟但是有爲。約門有殊。故他宗不壞。

爾時金燄圓滿光菩薩摩訶薩承佛威力。普觀一切道場衆海。卽說頌言。

佛昔修習菩提行於諸境界解明了。處與非處淨無疑此是如來初智力。

疏第一偈卽處非處智力。謂善因樂果。斯有是處。善因苦果。無有是處。惡因苦果等。例上可知。處者建立義。依義起義能建立果。與果爲依能起果法。故立處名於此正知。故名智力。鈔第一偈下。一釋名。卽因果相當。名之爲處。若不相當。名爲非處。○疏其作業者。卽如實知因之與果。及能降伏無因惡因種種諍論。旣徧知已。可度者度。不可度者爲作因緣。文中上半徧因。下半顯智力。於諸境界正

解明了。卽辯此力。通知一切法也。

如昔等觀諸法性。一切業海皆明徹。如是今於光網中。普偏十方能具演。

疏第二偈。卽過未現在業報智力。瑜伽名自業智力。今言一切業者。謂於三世中善等三業。及順現等皆名自業。於自所作受用果業。如實知故。與初何別。若正了知所造善等業。感變等果。此由初力。若了能造善惡等業。感變等果。是自業力。文中上半徧因。下半現果。鈔與初何別。下次辯差別也。初力約所造。自業約能造。此猶未了。云何能所。謂

1

1 2 3 4 5 6 7 8 9 10 1 2 3 4 5 6 7 8 9 10

以人望業。已殺等竟。此殺等業。必招於果。名爲所造。此人若行於殺。必墮地獄。此名能造。卽上自業。各隨善惡而因果故。卽是作業。

往劫修治大方便。隨衆生根而化誘。普使衆會心清淨。故佛能成根智力。

疏第三偈卽根勝劣智力。謂信等五根。此輒中上。名爲勝劣。於此正知。及能於彼如應如宜。爲說正法。卽是作業。偈中三句往因。一句今果。鈔及能於彼下。二明作業。其於此正知。向上釋智力字。向下釋能作業。下皆準之。

如諸衆生解不同。欲樂諸行各差別。隨其所應爲說法。佛以智力能如是。

疏四卽種種解智力。亦名勝解。謂若從他起信。以爲其先。或觀諸法以爲其先。成軼中上愛樂。名種種勝解。亦名爲欲。欲爲信。喜好樂。如或貪財利。或好名聞。好定好慧。種種不同。如來正知。令捨不淨。增長於淨。此與前根何異。根約宿成。智有多少。解約現起。好樂不同。論云。若照諸根爲先。彼彼法中。種種意樂。是根智力。若正分別意樂差別。是解智力。在文可見。鈔此與前根下三辯差別。此有二

解一約宿現起別故智論云以二種欲作上下根因緣故十地論中別歎根欲如有根無欲能解不樂有欲無根雖聞不解二論云下卽瑜伽揅依根起樂卽是根力正分別欲樂卽名解力。

普盡十方諸刹海所有一切衆生界佛智平等如虛空悉能顯現毛孔中。

疏五卽種種界智力界卽性也謂或一二三四五乘性等或貪嗔癡等分行等乃至八萬四千行名種種性性卽種子解卽現行故智論云性名積集相又九十二云性內欲外用性作業必受果報欲或則解兼種現性唯種子。

疏若習欲成性復云何別欲唯大地一數性通諸數卽寬狹不同也智論云習欲成性性名深心事欲名隨緣起鈔若習欲成性下二解妨此對智論若依性起欲義如前說若習欲成性則欲前性

卷一百一

後復云何別故以寬狹通之則欲狹性寬唯大地

一數者卽俱舍頑通大地十法云受想思觸欲慧

念與作意勝解三摩地徧於一切心今卽十中第

五欲也性通諸數者旣有貪等八萬四千心所則

廣數卽心所次引智論帖成

疏若性卽種子與根何異根唯信等優劣性通善惡不同以信等望果寬長能生人天三乘聖道爲道之根三善根但是翻對不望果義尚不名根況性通於惡豈得同耶鈔若性卽種子下對根辯異於中有一先約寬狹正通以信等下通於伏難

難云性旣寬通何不名根答云特由寬故不得名根以信等望果三乘聖道有勝用增上故得名根性無此能安得名根三善根下舉况以成三善根是善尚不得名根性兼貪嗔等何得名根三善根者但翻三不善根立三善根不同信等體相昭著故不立爲根且依一義若二十二根則所望不同耳根約勝用增上性約不改

疏偈云悉能顯現毛孔中者謂非唯佛智如空包納衆生之性毛孔內空亦現衆生之界耳鈔謂非唯佛智者此有二種超勝之相尋常界力但以

撰述

龍虎疏金卷五之一 丹

佛智能知能所不同。今云佛智平等如虛空。則眾生之界皆是如來智中之物。此爲一勝。二者智能包納。猶是智類。今毛孔頓現。則細色能收。良以色性智性。融無礙故。以性融相爲華嚴宗之界力也。一切處行佛盡知。一念三世畢無餘。十方利劫衆生時。悉能開示令現了。

疏六節一切至處道智力論名徧趣行智力徧卽一切趣卽至也。行卽道也。謂諸衆生種種所行。若出離行不出離行。各能至果。如行有漏行。生五道中行無漏行。至涅槃果。名徧趣行。鈔若出離行

不出離行標也。如行有漏下別顯。瑜伽又云。如貪行者修不淨觀等。名徧趣行。又趣一切五趣之門。或諸外道沙門婆羅門。各各異見。品類諸行。或此世他世。無罪趣行。名徧趣行。名下之事。卽爲作業。疏若知如是種類行迹趣入此由界智。若知卽彼行迹一切品類。如是行迹能令雜染。如是行迹能令清淨。此由徧趣智力。鈔若知如是下次辯差別。先對界辯異。意云從性趣行卽屬性攝。但觀其行卽屬趣行。

疏初力處對非處。此中但明至處。又初力指因爲

1 2 3 4 5 6 7 8 9

10

1 2 3 4 5 6 7 8 9

1 2 3 4 5 6 7 8 9

得果之處。此約果是酬因之處。故不同也。鈔初力下。對初力辯異有二義可知。然對他辯自。自亦作業。

疏經中初句總標次一念卽能知迅速。下十二字所知時處後一句委悉開示。

禪定解脫力無邊。三昧方便亦復然。佛爲示現令歡喜。普使滌除煩惱闇。

疏七卽禪定解脫三昧智力。淨行品中加於染淨通漏無漏故。佛皆善知。及知依此所得諸果。故名智力。鈔七禪定下。初釋名。瑜伽名爲靜慮解脫現三神變。無倒教授。所化有情。此由靜慮智力。

等持等至智力。佛皆善知下。結成智力。卽爲作業。疏此與自業智力何別。若了諸有能修諸定。卽彼能入而非所餘。名自業力。若了依如是靜慮等定。現三神變。無倒教授。所化有情。此由靜慮智力。鈔此與下二辯差別。此有問云。自業有三。一罪。二福。三不動。不動業卽是禪定。與此何別。亦應答云。業通定散。今唯約定。居然不同。今疏所通是瑜伽意。若唯知定體。卽是自業。知定體用。便是禪力。疏偈中上半所知。下半善用。言佛爲示現者。示其諸定。現三神變。令有情喜。使滌煩惱。卽令去染而

60

1 2 3 4 5 6 7 8 9 10 1 2 3 4 5 6 7 8 9 10

得清淨。

佛智無礙包三世。利那悉現毛孔中。佛法國土及衆生所現皆由隨念力。

疏八卽宿住隨念智力。謂過去境。本生本事。住宿世故。名爲宿住於此宿住而起隨念。念俱行智。名宿住智力。瑜伽云。若知前際隨念一切趣因。是偏趣力。若知前際名姓苦樂等事。名宿住力。鈔八宿住力中。初釋名。兼顯作業。瑜伽云。下辯差別。謂有問言。宿住智中。知彼修因。則與偏趣何異。答中有三。初依瑜伽正答。謂唯知因。是偏趣行。兼能知取餘五。

果卽宿住攝。名姓苦樂者。瑜伽知過去所有自體。有八言說句。一如是名。二生類。三種姓。四飲食。五受苦樂。六長時。七久住。八壽量邊際。今但列三。等取餘五。

疏此與智論云何會釋。謂彼論云。但知宿命所經。不知諸業因緣相續。但名爲通。凡夫亦得。若兼知業因緣相續。則名爲明。二乘能得。若知上二無量無邊。則名爲力。斯則力亦知因矣。故應通云。若但知因。是偏趣力。若雙知者。卽宿住力。瑜伽爲對偏趣之因。故但云果耳。鈔瑜伽爲對下。出瑜伽宿

1

2 3 4 5 6 7 8 9 10 1 2 3 4 5 6 7 8 9 10

住無有因意。若以等字收之於理可也。

疏文中初句標能念智包三世者。三世全在佛智之中。况於隨念不知三世。從門別故。但云宿住利益悉現。卽包現之時極促。現毛孔中。卽能現之處至微。第三句卽所現所念之事廣。第四句結歸智力。非唯能念。亦能現也。

佛眼廣大如虛空。普見法界。盡無餘無礙。地中無等用。彼眼無量。佛能演。

疏九天眼智力。獨此從所依以立名也。若從境者。瑜伽名生死智力。謂死此生彼。墮善惡趣。大小好故。故此一力。卽攝十力。舉一爲例。餘九皆然。鈔五眼十眼。如離世間品。

疏文中初句體大。次句用廣。次句用勝。以無等故。後句結其甚深。故唯佛能演。旣言普見法界。非局未來。約宗別故。於未來門。普見法界。非局一切衆生。具諸結所有。隨眠與習氣。如來出現徧世間。悉以方便令除滅。

疏十漏盡智力。於自解脫。無惑無疑。亦知衆生漏盡涅槃。於此正知。名爲智力。文中初二句所斷。諸結卽現行。隨眠卽種子。習氣卽餘習。二乘不能盡習。亦不能盡他漏。故不名力。後半顯佛能滅。鈔文中下一釋文。以漏盡無濫。故不辯差別。餘習有四。謂貪嗔癡慢。貪習如迦留陀夷。嗔習如身子。癡習如周利槃特。慢習如畢陵伽婆蹉。曾無教說。見疑習。疑見有習。不見理故。通說或有耳。

疏然上十力。智卽是體。力卽是用。然智卽力。更無別性。鈔然上十力下三重。以諸門料揀。先總名

但云智力。卽持業釋。若云十九力。卽帶數釋。

疏此中宿住隨念相應智力。是隣近釋。自餘從境。皆依主釋。說天眼從所依。亦依主釋。若宿住是境。隨念相應智力。亦依主釋。鈔此中宿住下會別名。宿住名隣近者。智近於念。故言宿住。亦依王者。宿住境之隨念故。

疏然此十力。望於自事。各於自事中大。如水能淨。如火能燒。各有自力。若約總攝。初力爲大。若約辦得。涅槃漏盡爲大。若以無礙解脫而爲根本。則平等平等。鈔然此十力下。辯功能可知。十力略義。

亦已釋周。更欲廣引。恐翳玄理。

爾時法界普音菩薩摩訶薩承佛威力。普觀一切道場衆會海。卽說頌言。

佛威神力徧十方。廣大示現無分別。大菩提行波羅蜜。昔所滿足皆令見。

疏第八法界頌中歎佛徧修十度行滿。今得果圓。十一頌分二。初一總餘十別。今初也。佛威神力略。有三類。一者俱生力。謂風不動衣等。二者聖威力。謂通明等種種功德。三者法威力。謂波羅蜜圓滿法力。鈔佛威神力者。卽當瑜伽三十七中。彼有

二類。初列三種云。一聖威力。二法威力。三俱生威力。次又云。復有五種。一神通威力。二法威力。三俱生威力。四共二乘威力。五不共二乘威力。彼廣釋相。今疏引三。不依彼次。及至釋文。二處參用。風不動衣等。卽五中俱生俱生有多。謂佛菩薩常右臘臥。如師子王。雖現安處草葉等摩。一脇而臥。曾無動亂。一切如來應正等覺。雖現睡眠而無轉側。大風卒起。不動身衣。行如牛王。步如師子等。今但云風不動衣等。等取餘事。五中望三。神通卽聖。共與不共。但顯超勝。疏中皆含二處法威力。疏中謂波

1

2 3 4 5 6 7 8 9 10

1 2 3 4 5 6 7 8 9 10

羅蜜圓滿法力。卽是語因。

疏令五根中無諸非淨。四支百節有無量力。故名堅固不可壞。法身常身無邊之身。言徧十方者。卽無邊身廣大示現。謂變化身無分別者。平等智身大菩提行者。波羅蜜身昔所滿足者。衆行先成。皆令見者大果今出。鈔令五根下。辯其果相。彼法威力中諸度各有四相。一斷所對治二資糧成就三饒益自他。第四辯果果各不同。施得大財寶朋黨眷屬戒生人天忍臨終之時心無憂悔。生於天界進得慶樂殊勝。士夫功業定得神通。生淨慮天以經文會上果義。

慧果能離煩惱所知二種重障。上瑜伽中多是近果。又是別明。今是究竟之果。又是總明。無諸非淨卽離繫果。百節有力。是施等果。堅固不壞。是戒度果。故普眼長者以十度因成十身果。徧十方下疏以經文會上果義。

○疏二有十頌別顯。一頌一度。皆上半往修因。下半今得果。鈔十頌別顯下疏二先總指文。

疏十度之義。十行十地。一經始末亦多辯之。湏粗識其相。略啟十門。一釋名。二出體。三辯相。四建立。五次第。六相攝。七修證。八約教。九觀心。十釋文。今

初又二。先通名後別稱。今初通稱波羅蜜多者。唯識云。要七最勝之所攝受方可建立波羅蜜多。一安住最勝。謂要安住菩薩種性。二依止最勝。謂要依止大菩提心三意樂最勝。謂要慈愍一切有情。四事業最勝。謂要具行一切事業。五巧便最勝。謂要無相智之所攝受。六迴向最勝。謂要迴向無上菩提。七清淨最勝。謂要不爲二障間雜。卽三時無悔。若七隨闕。非到彼岸。故此十度應各四句分別其別稱。及出體。三辨相。至文當釋。鈔此中立章。多依唯識第九安住菩薩種性者。若依五性。則揀餘四性。唯取菩薩種性。今法性宗約習以成性。非約本有。本有平等故。故攝論中但有六種最勝。無初安住。或云菩提心攝。則知唯約習成。然無性引頌。亦似證有安住種性。頌云。鱗角喻無有。六波羅蜜多。唯我最勝尊上品。到彼岸。此最勝尊義似初一。然依此釋。亦是習成。非約本有。謂要無相智者。卽三輪空也。故離世間品云。三輪清淨施。施者受者。及以施物。正念觀察如虛空故。六迴向最勝。問既言迴向菩提。何異依止。釋曰。彼有道心。未必一切回向菩提。此乃迴向。又依止者。卽行前心。今迴

1 2 3 4 5 6 7 8 9 10 1 2 3 4 5 6 7 8 9 10

撰述

華嚴疏錄卷五之一

二

五

向者乃行後願。七清淨最勝者。約分說耳。通說清淨爲離二障。行於六度。卽三時無悔者。此乃大乘法師釋論意也。悔卽煩惱。由不了故。卽是所知。又卽此悔心。障於真智。亦所知也。四句分別者。有三四句。一者。一一自望種類而爲四句。施中四者。一是施非度。不與七勝相應施故。二是度非施。隨喜他施。具七勝故。三。亦施亦度。具七勝故。四。非施非度。隨喜他施。不與七勝共相應故。二者不約種類次第修者。以明四句。唯施一種。但有二句。未成餘度。闕二句。故謂是度非施。及非施非度。餘戒等五。

得有四句。前有施度。得爲是度。非戒等故。謂一。是戒非度。謂不與七勝共相應故。二是度非戒。卽前施度。具七勝故。三。亦戒亦度。具七最勝而持戒故。四。非戒非度。謂前布施。不具七故。恐度。望戒。進度。望忍。次第如戒。三。非次第修者。諸度各得具施四句。如施得望戒。忍等度。得有是度。非施等句。故可以思。準此上釋度。卽彼論疏明相門也。謂顯波羅蜜多相。故此論初云。此十相者。要七最勝等。疏四建立者。爲十地中。對治十障。證十真如。故但有十。爲對六蔽。漸修佛法。漸熟有情。故但說六六。

中前三增上生道感大財體及眷屬故後三決定
勝道能伏煩惱成熟有情及佛法故又前三饒益
有情施財不惱恐彼惱故後三對治煩惱勤修加
行永伏永滅故又由前三故不住涅槃由後三故
不住生死能爲無住涅槃資糧後唯四者助六令
滿方便助前三願助精進力助靜慮智助般若如
深密說鈔四建立者卽彼第四無增減門疏文
有三一明十無增減卽建立十度之所以對治十
障者卽異生性等十無明也至十地具明今略列
名一異生性障二邪行障三暗鈍障四微細煩惱
現行障五於下乘般涅槃障六麁相現行障七細
相現行障八無相中作加行障九利他中不欲行
障十於諸法中未得自在障若準對法十二云所
知障等皆度所治故云對治障故爲對六蔽下二
立六度所以六一對治六蔽門卽上一句言六蔽
者一慳惄蔽二犯戒蔽三嗔恚蔽四懈怠蔽五散
亂蔽六惡慧蔽亦有師言離惡慧爲五成十度障
大乘法師不許此義上來十度及六度皆是第四
無增減門漸修佛法者卽第二漸修佛法門故唯
識云漸次修行諸佛法故諸佛法者謂十力等攝

論云。前之四度不散動因。第五一種不散動成熟。
第六依是如實覺知。漸熟有情者。卽第三漸熟有
情門。故唯識云。漸次成熟諸有情故。攝論云。由施
能攝受。由戒能不害。由忍雖遭苦能受。由勤助彼
所作。由定心未定者令定。由慧已定者令得解脫。
六中前三下。第四二道之因門。施感大財。謂多饒
財寶。戒感大體。謂尊貴身。忍感眷屬。有情歸附。由
富勝形。及多眷屬趣中增上。名增上生道。亦卽因
能伏煩惱者。謂修善方便。定熟有情者。依此發通
故慧成佛法。佛法由慧故。有此三德。名決定勝。諸

菩薩道。唯由此三。若闕一種。道不成故。又前三種
者。第五利生斷惑門。故瑜伽七十八解深密等說
由二因緣。是故六度不增不減。卽其義也。施財攝
彼戒。不惱害。忍受彼惱。此三皆通有饒益故。後三
言勤修加行者。瑜伽云。由精進故。雖未永斷煩惱。
永害隨眠。而能勇猛修諸善品。彼諸煩惱不能傾
動。善品加行故。唯識云。雖未伏滅。而能勤修善法
加行。由靜慮故。永伏煩惱。由般若故。永斷隨眠。是
故疏云。永伏永滅對法十一。亦有此解。又由前三
者。第六爲無住涅槃因故。以前三是大悲饒益有

1234567890

1234567890

情故後三是大智。斷滅諸惑故。故爲無住涅槃因也。翻彼凡小之雙住也。又復三學攝於六度故。不增減。瑜伽四十九說。前四是戒。後二是二學故。由上七義。故立六度。此第七義。疏略不明。後唯四下。第三重顯十義。謂有問言。六度既爾。後四云何。此答意云。四屬六攝。義隨六異。於中分二。先總明。方使助前三下別顯。大論第七十八云。由前三種所攝。有情以諸攝事。方便善巧而攝受故。意云。巧用施等。以攝物也。願助精進者。大論云。由正願故。能破艱劣意樂。煩惱微薄。起精進修力。助靜慮者。解

深密云。若諸菩薩親近善士。聽聞正法。如理作意。爲因緣故。轉劣意樂成勝意樂。亦得上界勝解。名力波羅蜜多。由此力故。於内心住。有所堪能。故說力度助於定也。智助般若者。彼經云。若諸菩薩已能聞法爲緣。善修習故。能發靜慮。如是名智。由此智故。性能引發出世間慧。故說智爲慧助。是以後四助於前六。令前六度修習圓滿。前六不能助於後四。

疏五次第者。謂由前前。引發後後。及由後後。持淨前前。又前前麤。後後細。易難修習。次第如是。鈔

五次第門。此曲有四。謂由前前下。卽初引發門。謂由行施引發持戒。由持戒故。引發忍等。二攝持門。布施本欲益他。持戒不惱於彼。彌令施淨等。故云及由後後持淨前前三麁細門。布施則麁。持戒則細。戒望於忍。戒則爲麁。忍則爲細等。故云前前麁。後後細。前九並爲前前。從戒至智。並名後後。一一相望。故致重言。初一唯前。後一唯後。中間八度。遞爲前後。四難易門。亦結通上三也。上之四門。並如瑜伽對法所辯。

疏六相攝者。此十一皆攝一切波羅蜜多。互相

順故。般若論云。檀義攝於六資生無畏法等。智論云。有未莊嚴波羅蜜。卽不攝者。有已莊嚴波羅蜜。卽相攝者。今此經文。必具攝十。若但說六。六攝後四。若開爲十。第六唯攝無分別智。後四皆是後得智攝。鈔資生無畏法等者。等取下半云。此中一二三名爲修行住。謂施有三種。一財。二無畏。三法施。財卽資生。正是檀度。故云此中一也。無畏攝二。謂尸不惱。彼忍受。彼惱。皆無畏相。故云二也。法施攝三。謂進定及慧。決定勝道。漸熟佛法。是法施相。故云三也。卽十八住中修行住也。今此經文下。會

釋今意。是圓教故。非唯要約相順。相類以理融故。法爾一攝一切行也。若但說六下二明六十互攝。若六度攝十。第六攝後四。若十度攝六。第六但攝第六少分。有所未盡。不攝後得加行智故。故兼後四方攝第六。是故疏云。若開爲十。第六唯攝無分別智。

疏七修證者。五位通修。佛方究竟。十約因位。總有三名。謂初無數劫施等。勢力尚微。被煩惱伏。但名波羅蜜多。第二劫去。勢力漸增。能伏煩惱。名近波羅蜜多。第三僧祇。勢力轉增。能畢竟伏一切煩惱。

名大波羅蜜多。故上下文中屢言廣大波羅蜜也。鈔七修證者。謂此一門亦名爲位。今云修者。以五位通修。故名爲修。佛方究竟。故名爲證。故二十一種功德之中。有波羅蜜多成滿功德。然唯識云。五位皆具。修習位中其相最顯。通漏無漏。廣修行故。故十地中各一圓滿。十約因位下。卽分位分別顯於三劫。得名不同。初但名波羅蜜多者。以一行中修一行故。二名近者。一行之中修一切行。近善提故。三廣大者。一切行中修一切行。體包博故。然未入劫。同於第一。已成佛竟。同於第三。

疏八約教者。諸教可思此教要湏一一融攝徹果
該因。鈔八約教者。謂小乘不成波羅蜜多無七
最勝故。始教要是菩薩種性人方有故。又各有體
性。或說俱空。終教一一皆從真如性功德起。頓教
一一皆不可說。謂不施不慳。不戒不犯。不忍不恚。
不進不怠。不定不亂。不智不愚等。一切皆絕。若十
若六。皆悉亡言。圓教如文。

疏九觀心者。可以意得。鈔九觀心者。謂一念相
應心捨。則具十度捨而不取爲施。不爲過非所汚
卽戒。忍可非有爲忍。離身心相爲進。寂然不動爲
妙能令見者生歡喜。

定決了無生爲慧。雖空不礙知相爲方便。希齊佛
果是願。思擇不動爲力。決斷分明爲智。一念方等。
十度頓圓。縱七最勝。亦在一念。可以思準。欲令行
者卽之於心。是故結云。可以意得。

昔於衆生起大悲。修行布施波羅蜜。以是其身最殊
妙。能令見者生歡喜。

疏十釋文中。第一偈明施度。輟已惠人。名之爲施。
卽以無貪。及所起三業而爲其性。此有三種。謂財
法無畏。鈔十釋文中。一一偈疏。多皆有四。一。釋
名。二。出體。三。辯相。四。釋文。唯識併在一處。出體謂

施以無貪及所起三業爲性。戒以受學菩薩。凡時三業爲性。忍以無嗔精進審慧及彼所起三業爲性。精進以勤及所起三業爲性。靜慮但以等持爲性。後五皆以擇法爲性。謂是根本後得智故辯相亦併居一處。今隨文配屬以相映易了耳。卽以下出體無貪卽善十一中一法。要由無貪相應思於自身財方能惠捨然三施體大意多同。

疏上半因中大悲行施已該此三。此悲亦是七最勝中前三最勝。下半果中財能資身無畏益心。法資法身。故得果身。身最殊妙。三皆悅物。故見者必喜。亦由具七最勝。故身殊妙也。

昔在無邊大劫海修治淨戒波羅密故獲淨身徧十方普滅世間諸重苦。

疏二戒度。防非止惡名之爲戒。卽受學菩薩戒時三業爲性戒有三種。律儀攝善得淨身果攝衆生戒能除物苦徧十方者無作戒身等衆生故。鈔二戒中初名防其未非止已起惡故卽受學下次出體大論律儀以七衆別解脫戒在家出家戒爲體。卽唯二業。謂表無表不說語故若攝善法戒者。謂諸菩薩受律儀後一切所作爲大菩提由身語

意積集諸善以爲其體。今疏通三聚及與受隨。故云三業攝衆生戒。居然通三戒有三種下。三釋文。卽當辯相律者法律儀者儀式。於不善法而能遠離。及防護故。故攝論名爲依持戒。依是能有集諸佛法無罪益生故。

往昔修行忍清淨信解真實無分別是故色相皆圓滿普放光明照十方。

疏三忍者堪受諸法未能忘懷名之爲忍此約生忍又忍卽忍可忍即是慧雙忍事理卽以無瞋精進審慧及彼所起三業爲性忍亦有三謂耐怨害

忍安受苦忍。諦察法忍。鈔卽以下出體無嗔精進卽善十一中二審慧卽別境五中慧所以有此三者大論云自無憤牧不報他怨亦不隨眠流注相續是名菩薩耐怨害忍卽以無嗔及三業爲性若安受苦忍卽精進三業爲性若諦察法忍卽審慧三業爲性故此三業通於三忍餘三各配其一故有三耳。

疏偈云信解眞實卽諦察法也色相圓滿前二忍果放淨光明第三忍果鈔偈云下釋文然無性云初忍是諸有情成熟轉因二是成佛因寒熱等

法皆堪忍故。三是前二之所依處。堪忍甚深廣大。法故。今言色相圓滿。是前二忍果者。由忍他辱。生端正故。得於色相。言皆圓滿者。究竟成佛。具諸相故。故此四字。是二忍故。光通智光。故是第三。往昔勤修多劫海。能轉衆生深重障。故能分身徧十方。悉現菩提樹王下。

疏四精進練心於法。名之爲精。精心務達。目之爲進。以勤及所起三業爲性。亦有三種。一被甲。二攝善。三利樂。一鈔三亦有下。三辯相被甲。卽大誓願。攝善卽方便。遊趣。利樂卽勤化衆生。

疏初句通前二。以被甲精進。瑜伽釋云。設千大劫爲一日夜。處於地獄。爲脫一衆生故。次句卽第三。下半通三果也。因旣離身心相。故果能身徧十方。

鈔初句下釋文。通前二者。勤修二字。故是攝善。多劫海言。卽是被甲。被甲相隱。故引論釋。

佛久修行無量劫。禪定大海普清淨。故令見者心歡喜。煩惱障垢悉除滅。

疏五禪那。梵云禪那。此云靜慮。卽以等待爲性。亦有三種。謂安住。引發辦事。鈔五禪中初釋名。靜揀散心。慮揀無慧。止觀均故。卽以下二出體。卽三

摩地雖是別境心所之一。今約定說不通散心。故不說三業。對法論云。起三業自在用時。所有一切種常安住。卽通三業以約用故。亦有三種下三辯相言安住者。安住現法樂住故。無性云。離見慢等得清淨故。言引發者。引神通故。言辦事者。辦利有情事故。

疏旣引起神通。辦利生事故。見者深喜。現法樂住諸惑不行。又資慧斷惑。故見者惑滅。鈔旣引發者下釋文。取上辯相以釋經文。

如來往修諸行海。具足般若波羅蜜。是故舒光普照明。克殄一切愚癡暗。

疏六般若者。般若梵言。此翻爲慧。推求諦理。名之慧也。此及後四。皆擇法爲體。亦有三種。一生空無分別。二法空無分別。三俱空無分別。攝論以加行正體後得爲三。約六度說。瓔珞以照。有照無及照中道而爲三者。惟約法空三觀之義。至下當明。鈔此及下。二出體以後五體同故。故唯識云。後五皆以擇法爲體。說是根本後得智故。意云。以根本智爲第六體。後之四體。皆後得故。此依勝說。若對法及瑜伽四十三。同以出世間。加行正智後得爲

1 2 3 4 5 6 7 8 9 10

1 2 3 4 5 6 7 8 9 10

體。唯識下文亦云。十度皆通漏無漏故。此依實義。亦有三種。下三辯相總有二說。唯識依十度。唯取根本。攝論三智。約六度說。瓔珞三觀。亦約十度。約兼正說。故有照空照有照中。是以疏云。三觀之義。至下當明。謂十行當會。

疏慧導萬行故云修諸行海。言具足者。具上三也。因如有目。故果獲身智二光。能滅諸闇。鈔慧導萬行下四釋文。謂萬行不得般若照體空寂。不成彼岸故。因如有目者。智度論云。五度如盲人般若。如有眼故。見夷途開導萬行。御心中迷。至一切智。

城卽其義也。

種種方便化衆生。令所修治悉成就。一切十方皆偏往無邊際劫不休息。

疏七方便者。卽善巧也。方謂方法。便謂便宜。下四但各二種。今初謂迴向方便。拔濟方便。鈔下四下次辯相先總顯下四。此依唯識。若約本業。亦各有三。至十行品說。今初下別明此度。謂由大智故。迴前六度向大菩提。由大悲故。迴前六度。拔濟有情。故無性云。不捨生死而求菩提。

疏文云。種種化生。則拔濟善巧。所修成就。兼於迴

向菩提所化無邊。果得十方而橫徧爲物取果。豎窮來際而不休。

佛昔修行大劫海淨治諸願波羅蜜。是故出現徧世間。盡未來際救衆生。

疏八願者。卽希求要誓。有義以欲勝解及信爲性。亦有二種。謂求菩提願。利樂他願。鈔有義下。次出體前雖總出此一有異。故復別用此三爲性。三法正是願之性。故謂願者希求。希求卽欲要於前境。正信印持方希求故。其後得智。但是所依。依此起願耳。

疏由初厥故。出現世間。由後願故。救生不息。佛無量劫廣修治一切法力。波羅蜜。由是能成自然力。普現十方諸國土。

疏九力者。不可屈伏故。隨思隨修。任運成就。亦有二種。謂思擇修習。今言法力。卽思擇諸法而修習。故攝論由此二力。令前六度無間現前。經云成自然力。卽無師而成。不習而無不利。何能壞哉。鈔今言下。三釋文。初卽無性釋論之言。故攝論下。本論之語。

佛昔修治普門智。一切智性如虛空。是故得成無礙

力。舒光普照十方利。

疏十智度。決斷名智。謂如實覺了。亦有一種。謂受用法樂智。成熟有情智。無性論云。由施等六成此智。復由此智。成立六種。名受法樂。由此妙智。能正了知此施戒等。饒益有情。鈔亦有下。人辯相此。相難見。故引論釋。但引釋論。本論但云。謂由前六成立妙智。受用法樂。成熟有情。若天親云。由般若波羅蜜無分別智故。成立後得智。復由此智。成立前六波羅蜜多。由此自爲與同法者。受用法樂。成熟有情。大意亦同也。瑜伽四十九云。於一切法。如

實安立清淨妙智。名智。波羅蜜多。當知能取勝義名慧。能取安立名智。又三十九云。謂無量智。當知方便波羅蜜多。希求後後殊勝性名願。一切魔怨不能壞名力。如實覺了所知境名智。大意皆同。然上辯體約。起實性體。若兼助伴。一一皆以一切俱行功德爲性。

疏經云。普門智。總舍二智。別配卽初句。成熟有情。次句卽受用法樂。此二無二。故成無礙力。舒光普照。鈔經云。下三釋文可知。若廣分別。如唯識疏第十。及瑜伽四十二。

爾時雲音淨月菩薩摩訶薩承佛威力普觀一切道場衆海卽說頌言。

神通境界等虛空。十方衆生靡不見。如昔修行所成地摩尼果中咸具說。

疏第九雲音頌述菩提樹摩尼果中歎佛往修十地行果。十一頌分二。初一總舉。謂佛果大用。由昔地行及結說處。餘十次第各述一地。地義當品廣明。今皆略述而已。

清淨勤修無量劫。入於初地極歡喜。出生法界廣大智。普見十方無量佛。

疏初地略述四義。一。加行多劫。諸論皆說。地前爲一僧祇。已爲無量。更有異說。恐厭繁文。一標入地名。二出生廣智。謂生如來家。見法實性。得妙觀察平等性智。故四普見佛海。同下願智果中。鈔恐厭繁文者。謂仁王下卷奉持品說。伏忍下中上下。忍初賢。一僧祇中忍次賢。兩僧祇上忍亞聖三僧祇。初地四僧祇乃至七地有十八地千九地萬十地百萬僧祇。故地前已經三阿僧祇。經中多說三阿僧祇成佛者。以下中忍位菩薩相隱。上賢之位菩薩相顯。所以特言經三僧祇地前菩薩二乘聖。

123456789

123456789

123456789

者見初入地皆謂究竟故說三祇成等正覺亦佛隨宜故寶雲經云實經無量阿僧祇劫華藏品初當更會釋得妙觀察者由破分別我執第七不與四惑相應成平等性已證真如於多百門已得自在妙觀察未捨異熟識體不得大圓鏡智異熟既存眼等五根是異熟生故亦未得成所作智此二直至佛果方得。

一切法中離垢地等衆生數持淨戒已於多劫廣修行供養無邊諸佛海。

疏二地四義一舉法標名二別地行相三修行時

分四供佛多少。

積集福德發光地奢摩他藏堅固忍法雲廣大悉已聞摩尼果中如是說。

疏三地四義一舉法標名世間中極云積福德二修諸禪定三忍度偏多四聞持廣博鈔世間中極者前三地寄同世間故。

燄海慧明無等地善了境界起慈悲一切國土平等身如佛所治皆演暢。

疏四地四義一歎慧標名世無等故二了道品境異凡夫故三起慈悲異小乘故四淨身土離身見

撰述

垂肩疏金卷五之二

故。鈔離身見者。寄出世初。同湏陀洹故。又初地
斷分別身見。四地斷俱生身見故。

普藏等門難勝地。動寂相順無違反。佛法境界悉平
等。如佛所淨皆能說。

疏五地四義。一標入地。謂積集福智。故云普藏。十
平等心。故曰等門。二標地名。三真俗極違。會令相
順。四諦法俗境。無不等觀。鈔十平等心者。三十
六經入五地有十心。一於過去佛法平等清淨心。
二未來。三現在。四戒。五心。六除見疑悔。七道非道
智。八修行智見。九於一切菩提分法上上觀察。十

教化一切衆生。皆有平等清淨心。四諦法俗境者。
良以十重觀四諦故。四地出世。五地却入。云觀俗
境。

廣大修行慧海地。一切法門咸徧了。普現國土如虛
空樹中演暢此法音。

疏六地有四。一歎行。二標名。三正顯行相。卽了緣
起法。四明地用得十空三昧故。鈔得十空三昧
者。卽六地末云佛子。菩薩住此現前地。得入空三
昧。自性空三昧。第一義空三昧。第一空三昧。大空。
合空。起空。如實不分別空。不捨離空。離不離空。何

句皆有三昧之言。結云。得如是十空三昧門爲首。百千空三昧門。皆悉現前。

周徧法界虛空身。普照衆生智慧燈。一切方便皆清淨。昔所遠行今具演。

疏七地有四。一先標果用。二照達羣機。三雙行巧攝。四寄行標名。

一切願行所莊嚴無量利海。皆清淨。所有分別無能動。此無等地咸宣說。

疏八地四義。一別地行相。二明淨土果。三略釋地名。四歎地結說。

無量境界神通力。善入教法光明力。此是清淨善慧地劫海所行。皆備聞。

疏九地四義。一標地作用。二善達教法。三標示地名。四廣行多劫。

法雲廣大第十地。含藏一切徧虛空諸佛境界聲中。演此聲是佛威神力。

疏十地有四。一標起地者。二含藏法雨。三能蔽如空龐重。四深廣難測。故云佛境。諸偈多有結說文並可知。

爾時善勇猛光幢菩薩摩訶薩承佛威神。觀察十方。

而說頌言。

疏第十善勇猛說頌儀中。前文多觀衆會。此觀十
方者。觀衆表無偏心。觀方表說周徧。二文影略。十
頌歎佛體用應機自在德文分爲三。初一總顯次
八別明後一結歎歸佛。一頌中各有四義。
無量衆生處會中。種種信解心清淨。悉能悟入如來
智了達一切莊嚴境。

疏今初總歎佛令物悟入福智。有四義者。一。多衆
二。心異。二悟智。四了福。莊嚴卽福也。亦通一嚴皆
佛令爾。故顯衆德卽爲歎佛。

各起淨願修諸行。昔曾供養無量佛。能見如來真實
體。及以一切諸神變。

疏別中一見佛體用。亦四義。一起願。二真行。三見
體。四見用。

或有能見佛法身。無等無礙普周徧。所有無量諸法
性。悉入其身無不盡。

疏二見法身。一勝故無等。一淨故無礙。三天故周
徧。四深廣故包含。

或有見佛妙色身。無邊色相光熾然。隨諸衆生解不
同。種種變現十方中。

1 2 3 4 5 6 7 8 9 10 1 2 3 4 5 6 7 8 9 10

疏三見佛色身。一色妙。謂如金等。二相具。十華藏
相等。三光盛。謂常放等。四隨機變。謂三尺無邊等。
或見無礙智慧身。三世平等。如虛空。普隨衆生心樂
轉。種種差別皆令見。

疏四見佛智身。一無礙真俗無礙故。二等空。稱法
性故。三知根四巧現。

或有能了佛音聲。普偏十方諸國土。隨諸衆生所應
解。爲出言音無障礙。

疏五了佛音聲。一音普偏。二說應器。三言同類。四
應無礙。

或見如來種種光。種種照耀徧世間。或有於佛光明
中。復見諸佛現神通。

疏六見佛光明。一多種。二偏照。三見佛。四現變。
或有見佛海雲光。從毛孔出色熾然。示現往昔修行
道。令生深信入佛智。

疏七見佛毛光。一顯光名。二明出處。三示往因。四
令信悟。

或見佛相福莊嚴。及見此福所從生。往昔修行諸度
海。皆佛相中明了見。

疏八見佛福相。一見福相。二了福因。三示因體。四

撰述

華嚴疏錄卷五十一

明見處。

如來功德不可量。充滿法界無邊際。及以神通諸境界。以佛力故能宣說。

疏後一結歎德廣。一數多。二深廣。三用普。四結說。謂推功歸佛。謙已無能。上來總明第八大段。座內衆流竟。

爾時華藏莊嚴世界海。

疏自下第九明天地徵祥。謂動地興供。卽是顯證。上來佛成正覺。衆海雲集。各申慶讚。顯佛高深。而下稱機情。上協佛願。故世主爲之興供。天地爲之也。

呈祥就文分二。先動地。後興供。前中三。一動處。二動因。三動相。今初。自狹之寬。且云華藏。約下結通實周法界。鈔自陥之寬者。娑婆爲陥。華藏爲寬也。

疏諸天重重。並華藏之內。故云其地何所不該。鈔諸天重重下。通妨難。難云旣言華藏地動。華藏之地。乃在大蓮華地面。今娑婆界。當第十三重。曾何是地。設若是地。是娑婆地。卽非華藏。故今通云。乃有二意。一以本該末。謂舉華藏總該利網。故二十重皆華藏內。况第十三下。豈非地耶。

0 1 2 3 4 5 6 7 8 9 80 1 2 3 4 5 6 7 8 9 80

疏又染淨融故雖標摩竭而地震華藏。鈔二又約染淨融故下染淨交徹通摩竭之地便是金剛染淨既融是故一動一切動也。

以佛神力。

疏二動因中就王顯勝但明佛力感應道交亦由物機然汎明動因總有其十今當轉法輪亦兼成道餘如別章鈔餘如別章者卽教義分齊中明謂智論引長阿含第二云有八因緣一大水動時動二尊神試力時動三如來入胎時動四出胎五成道六轉法輪七息教八涅槃時九依增一二十

八更加大神足比丘心得自在乃至觀地無相故令地動十智論云授菩薩記當於此界作佛之地神喜故所以動也。

其地一切六種十八相震動所謂動偏動普偏動起徧起普偏起踊徧踊普偏踊震徧震普偏震吼徧吼普偏吼擊徧擊普偏擊。

疏三動相者其地下是震卽是聲動卽是形聲兼吼擊形兼起踊故有六種此六各三成十八相搖颶不安爲動自下漸高爲起忽然騰舉爲踊隱隱出聲爲震雄聲郁遏爲吼砰磕發響爲擊十八相

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9 80

者。唯一方動。直爾名動。四方若次第。若一時動者。
 名爲徧動。若八方次第。或一時動。名普徧動。又四
 方八方十方如次名三相動。又一方獨動。十方次
 第動。十方同時動。又爲三相。餘五例之然。何所
 爲。依勝思惟梵天經所爲。有七。一令諸魔怖故。二
 爲說法時大衆心不散亂故。三令放逸者生覺知
 故。四令衆生知法相故。五令衆生觀說法處故。六
 令成熟者得解脫故。七令隨順問正義故。此上七
 祿。正是今經所爲地論有四。非當此文上約外器。
 若心地聖賢地法性地。亦有震動等義。可以虛求。

鈔地論有四者。第十二論云。器世間中。依四種
 衆生聚。一依不善衆生。二依信種種天衆生。三依
 我慢衆生。四依咒術衆生。爲此衆生下中上次第
 差別故。動乃至吼。如十八句異義。應知如是生信
 功德。今言非當此文者。始成正覺後。演一乘。皆是
 海會。何有不善等。據別行經順別機。故論爲此釋。
 此諸世主。一一皆現不思議諸供養雲雨。於如來道
 場衆海。

疏二興供中三。一標數。同生之衆。亦得稱王。爲物
 依故。

所謂一切香華莊嚴雲。一切摩尼妙飾雲。一切寶談華網雲。無邊種類摩尼寶圓光雲。一切衆色寶真珠藏雲。一切寶旃檀香雲。一切寶蓋雲。清淨妙聲摩尼王雲。日光摩尼瓔珞輪雲。一切寶光明藏雲。一切名別莊嚴具雲。如是等諸供養雲。其數無量。不可思議。

疏二所謂下略列。

此諸世王。一一皆現如是供養雲。雨於如來道場。衆海靡不周徧。

疏三此諸下結偏。

如此世界中。一一世王心生歡喜。如是供養。

疏第十如此下。結通無盡。文分有二。一結華藏內二結華藏外。前中亦二。先舉此界。

其華藏莊嚴世界。海中一切世界所有世王。悉不如此而爲供養。

疏二其華心下。類華藏中一切世界。於中三初類衆海興供。一切世界者。謂華藏中有十不可說佛利微塵數世界種。一種中各有不可說不可說佛利微塵數世界。彼等一切諸世界中悉有世王而爲供養。

其一切世界中。悉有如來坐於道場。

撰述

華嚴經疏卷之三

疏二其一切下類佛坐道場然有二義。一彼諸世王各供當處之佛。二彼諸世王亦供此佛。此佛亦坐彼界道場。

一一世王各各信解。各各所緣。各各三昧方便門。各各修習助道法。各各成就。各各歡喜。各各趣入。各各悟解諸法門。各各入如來神通境界。各各入如來力境界。各各入如來解脫境界。

疏三一一下類結大衆得法於中有十一句爲明法得益。得益有三。一聞益。各各信解故。謂信其言而解其義。二思益。謂於所對審緣慮故。三修益。修

益有七。一修門。謂三昧方便故。二修法。謂資道故。三修果。契理成就故。四修益。隨有所得成。喜故。五修轉。各各趣入無量乘門及衆生界故。六修同悟解法門。合先聖故。七修極。修極有三。一大悲極。入佛神通境。入佛神通境但爲益生故。此成恩德。二大智極。入佛力境。如來力境。悲智超絕。無能及。故成佛智德。三自在極。入如來解脫門。盡一切障。心境自在。成佛斷德。亦卽是前諸解脫門。如於此華藏世界海。十方盡法界虛空界。一切世界海中悉亦如是。

疏二如於此下結華藏外。謂以華藏例於法界。各有此會。同爲一大法界會。方是華嚴無盡說耳。

上來十段總明教起因緣。分竟。

信女嚴門尹氏捨資六兩九錢六分刻此一卷。
伏願悟法身之實相轉有漏之女身供養參隨
妙嚴無盡現生廸吉世壽爾康。

大方廣佛華嚴經疏鈔卷五之二終

